



ՀԱՍՏԱՏՈՒՄ ԵՄ՝
Շրջակա միջավայրի նախարար

Համբարձում Մաթևոսյան

«27» 10 2025թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 248 - 25

Նախաձեռնող՝

«Մեդ Հաուզ» ՓԲԸ
ք. Երևան, Արամի 54

Գործունեությունը՝

Երևան, կենտրոն Արամի փողոց 54, 54/1, 54/3 հասցեներում
գտնվող հուշարձան շենքի ամրակապման, վերականգնման,
փոփոխման և կցակառույցի իրականացում
ք. Երևան

Առդիր՝ 6 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 248 - 25

«27» հոկտեմբեր 2025թ.

Երևան քաղաքի Կենտրոն վարչական շրջանի Արամի փողոց 54, 54/1, 54/3 հասցեներում գտնվող հուշարձան շենքի ամրակապման, վերականգնման, փոփոխման և կցակառույցի իրականացման նախագծի շրջակա միջավայրի վրա ազդեցության գնահատման հաշվետվություն

Նախաձեռնող՝

Ներկայացված նյութեր՝

«Մեդ Հաուզ» ՓԲԸ

Շրջակա միջավայրի վրա ազդեցության

գնահատման հաշվետվություն, նախագծային փաստաթուղթ /Բ կատեգորիա/

Գտնվելու վայրը՝

Ք. Երևան, Կենտրոն վարչական շրջան

Ներածական մաս. Նախատեսվող գործունեությունն իրականացվելու է Երևան քաղաքի Կենտրոն վարչական շրջանի Արամի փողոց 54, 54/1, 54/3 հասցեներում բնակելի և հասարակական կառուցապատման գոտում:

ՀՀ կառավարության 2004 թվականի հոկտեմբերի 7-ի «Հայաստանի Հանրապետության Երևան քաղաքի պատմության և մշակույթի անշարժ հուշարձանների պետական ցուցակը հաստատելու մասին N 1616-Ն որոշմամբ հաստատված ցանկում շենքն ընդգրկվել է որպես հանրապետական նշանակության հուշարձան (պետ. ցուցիչ՝ 1.6.206.7):

Գործունեության ենթակա տարածքի հողի նպատակային նշանակությունը՝ բնակավայրերի է, գործառնական նշանակությունը՝ հասարակական կառուցապատման:

Նախատեսվող գործունեությունը հանդիսանում է Բ կատեգորիայի գործունեության տեսակ՝ համաձայն «Շրջակա միջավայրի վրա ազդեցության գնահատման և փորձաքննության մասին» օրենքի 12-րդ հոդվածի 8-րդ մասի:

Նկարագրական մաս. Գործունեության նպատակը Երևան քաղաքի Կենտրոն վարչական շրջանի Արամի փողոց 54, 54/1, 54/3 հասցեներում գտնվող հուշարձան շենքի ամրակապման, վերականգնման, փոփոխման և կցակառույցի իրականացումն է:

Նախագծվող շինությունը գտնվում է Երևանի Կենտրոն վարչական շրջանի Արամի և Կողբացի փողոցների հատման մասում՝ կարմիր գծի վրա: Տարածքի հարևանությամբ գոյություն ունեն բնակելի և հասարակական նշանակության շենքեր: Ամբողջական համալիրը եռահարկ է, մասամբ նկուղային հարկով, եզրային, Ու-ձևին մոտ հատակագծով, 45-0-69.6 մետր արտաքին չափերով է: Շինության բացարձակ բարձրությունը մինչև վերին քիվի միջը կազմում է 17,6 մետր: Առաջին հարկի հատակի նիշը բարձր է մայթի նիշից մոտ 0.65-0.5 մետր:



արդյունքում, ինչպես նաև առաջին հարկի հատակի նիշի բարձրացմամբ (45 սմ) նախատեսվում է կառուցել նկուղային հարկ:

Առևտրի կենտրոնի այցելուների, ինչպես նաև հաշմանդամ և բնակչության սակավաշարժ խմբերի համար շինությունում նախատեսվում է իրականացնել լրացուցիչ վերելակ: Համալիրի բակային հատվածում 2002 թ.-ին (նախկինում կառուցված կցակառույցի տեղում) իրականացվել է 1-2 հարկանի նոր շինություն:

Նախատեսվել է կցակառույցի վերակառուցման աշխատանքներ հուշարձանի օգտագործման և առևտրի կենտրոնի ստեղծման, պատմականորեն ձևավորված համալիրի հետ նոր կառույցի ներդաշնակությունն ու հորինվածքային փոխկապակցվածությունն ապահովելու նպատակով:

Տանիքի փայտ կրող կոնստրուկցիաները նախատեսվում է ապամոնտաժել և այն իրականացնել մետաղական կոնստրուկցիաներով՝ պահպանելով դրա ձևը, թեքությունը և գագաթի բարձրությունը: Վերականգնման համար բավարար վիճակում գտնվող գլխավոր մուտքի ճակատի պատի վրա ամրացված որմնաքանդակի և գլխավոր մուտքի մոտ պահպանված «Մոր ու մանկան» քանդակը նախատեսվում է տեղադրել ներքին տարածքի առաջին հարկում՝ համալիրի պատմությունը ներկայացնող սրահում:

Տեխնիկատնտեսական ցուցանիշներն են.

- հողի մակերեսը՝ 1724.4 մ²,
- հուշարձան շենքի կառուցապատման մակերեսը՝ 857 մ²,
- կցակառույցի կառուցապատման մակերեսը՝ 397.4 մ²,
- հարկերի գումարային շինարարական մակերեսը՝ 5423 մ²,
- անջրանցիկ մակերեսը՝ 470 մ²,
- մեքենաների կայանատեղիների քանակը՝ 17 տեղ:

Հաշմանդամ և բնակչության սակավաշարժ խմբերի ազատ տեղաշարժման համար նախատեսվել են թեքահարթակներ:

Շաղախը և բետոնը կառաքվեն Երևան քաղաքի մոտակա բետոնաշաղախային հանգույցներից, մասնագիտացված տրանսպորտային միջոցներով:

Առանձին ամրանային ճողերն ու հիմնակմախքները, մետաղական կոնստրուկցիաները, մոնտաժային իրերն, ավտոմոբիլային փոխադրամիջոցներով բերվելու են շինարարական հրապարակ, որտեղ կատարվելու է դրանց պահեստավորումն ու տեղադրումը:

Շինարարական նյութերից օգտագործվելու է ցեմենտ, մետաղական ամրաններ և այլ կոնստրուկցիաներ, ապակի, փայտ, սրբատաշ և կոպտատաշ քարե շար, երեսպատման նյութեր և այլն: Բնառեսուրսներից օգտագործվելու է միայն ջուր՝ աշխատանքային հարթակի ջրցանի, հանված գրունտի և ստացվող ավազի ու խճի խոնավացման, ինչպես նաև շինարարական անձնակազմի խմելու և կենցաղային նպատակների համար:

Հիմնական թափոնատեսակը, որը կառաջանա շինարարական աշխատանքերի ընթացքում, 6,8 տ կենցաղային և մոտ 370 մ³ ծավալով շինարարական աղբն է:

Փորման աշխատանքների ընթացքում առաջացած վտանգավոր նյութերով չաղտոտված հողը՝ 27000 մ³ ծավալով, կտեղափոխվի Երևանի քաղաքապետարանի կողմից հատկացված վայր օրենքով սահմանված կարգով:

Շինարարական աշխատանքների ավարտից հետո նախատեսվում է տարածքը բարեկարգել:



Ջեռուցումն ու օդափոխությունը ողջ համալիրում կատարվելու է անհատական լուծմամբ օդորակիչների և ջեռուցման կաթսաների միջոցով:

Շենքի ջրամատակարարումն ու ջրահեռացումն իրականացվելու են համաձայն տեխնիկական պայմանի: Ջրամատակարարումը նախատեսվում է Մաշտոցի պողոտայով անցնող D= 400 մմ ջրատարից, կոյուղին նախատեսվում է միացնել Ե. Կողբացի փողոցով անցնող D= 400 մմ կոյուղատարին, հեղեղատարը՝ Ե. Կողբացի փողոցով անցնող D= 400 մմ հեղեղատարին:

Շինարարության փուլում աշխատողների կոմունալ կենցաղային պայմանները կապահովվեն տեղադրելով բիոգուգարաններ, խմելու ջուրը կմատակարարվի տարաներով: Բիոգուգարանները պայմանագրային հիմունքներով սպասարկվելու են մատակարար ընկերության կողմից: Ջրամատակարարումը կիրականացվի կնքելով համապատասխան պայմանագիր Երևան ՋՕԸ հետ:

Շենքի գազամատակարարումը (116 խմ/ժ ծախսով) նախատեսվում է համաձայն տեխնիկական պայմանի՝ ԳԲԿ Ջրվեժը սնող D= 300 մմ կողմնատար գազատարից:

Շինարարական աշխատանքների ընթացքում և շահագործման փուլում շենքի էլեկտրամատակարարումը 500 կՎԱ դրվածքային հզորությամբ կիրականացվի համաձայն տեխնիկական պայմանի, կառուցելով նոր ենթակայան: Ենթակայանը նախատեսվում է շենքի բակային հատվածում:

Գործունեության իրականացման ընթացքում օդային ավազանի հնարավոր աղտոտվածությունը լինելու է կարճատև և թույլատրելի նորմերի սահմաններում:

Շինարարական աշխատանքների ընթացքում աղմուկի և թրթռման մակարդակը կապված է լինելու շինարարական տեխնիկայի, սարքավորումների և տրանսպորտային միջոցների աշխատանքի հետ, որը կրելու է ժամանակավոր բնույթ ինչը նորմերի սահմաններում է: Աշխատանքներն իրականացվելու են միայն ցերեկային ժամերին:

Ամրակապման, վերականգնման, փոփոխման և կցակառույցի աշխատանքների ավարտից հետո նախատեսվում է իրականացնել տարածքի բարեկարգում:

Շրջակա միջավայրի բաղադրիչների վրա վնասակար ազդեցության մեղմացման/վերացման նպատակով նախատեսվում են հետևյալ բնապահպանական միջոցառումները.

- փոշենստեցման նպատակով նախատեսվում է իրականացնել տարածքի շինարարական հրապարակի ջրցանում՝ օդի դրական ջերմաստիճանի դեպքում պարբերաբար,
- գործունեության ենթակա տարածքը ցանկապատվելու է, շենքերն ու շինությունները ծածկվելու են համապատասխան բարձրության անթափանց թաղանթով,
- պարբերաբար ստուգվելու է շինարարական տեխնիկայի և փոխադրամիջոցների տեխնիկական վիճակն ու իրականացվելու է կարգավորում,
- իրականացվելու է շինարարական հրապարակից դուրս եկող ավտոմեքենաների անվադողերի լվացում,
- շինարարական աշխատանքների ժամանակ նախատեսվում է ներգրավել աղմուկի առաջացման ցածր ցուցանիշներ ունեցող տեխնիկական միջոցներ, ինչպես նաև դրանք շահագործել տեխնիկական նորմալ վիճակում,
- բոլոր մեքենաներն ապահովված են լինելու համապատասխան խլացուցիչներով,
- շինարարական թափոնները և կենցաղային աղբը տեղափոխվելու է Երևանի քաղաքապետարանի հետ համաձայնեցված՝ հատուկ հատկացված վայր պայմանագրային հիմունքներով,



- օգտագործվող տեխնիկան, սարքավորումները և տրանսպորտային միջոցներն օգտագործվելու են միայն սարքին վիճակում,
- աշխատանքները և տրանսպորտի տեղաշարժը կազմակերպվելու է ցերեկային ժամերին,
- բացառվելու է շինարարության ընթացքում օգտագործվող մեքենաների կայանումը բնակելի տների, այլ հասարակական շենքերի հարևանությամբ,
- շինհրապարակն ապահովված է լինելու հակահրդեհային կրակմարիչներով, հակահրդեհային միջոցառումների վահանակներով, փակցվելու են հակահրդեհային անվտանգության պաստառներ, հրդեհների մասին ուղեցույց-հիշեցումներ և այլն:

Գործունեության իրականացման ընթացքում նախատեսվում է շրջակա միջավայրի վրա բացասական ազդեցության կանխարգելմանը կամ մեղմանն ուղղված մոնիթորինգ.

- մթնոլորտային օդ կատարվող աղտոտող նյութերի պարբերական չափումներ, ամսական մեկ անգամ հաճախականությամբ, տեղադրել նաև առցանց չափիչ սարք,
- փոշենստեցման նպատակով նախատեսվում է իրականացնել տարածքի շինարարական հրապարակի ջրցան՝ օդի դրական ջերմաստիճանի դեպքում, պարբերաբար,
- օգտագործված մեքենայական յուղերով ու քսայուղերով հողերի հնարավոր աղտոտումից խուսափելու նպատակով հողերի աղտոտվածության մշտադիտարկումներ՝ երեք ամիսը մեկ հաճախականությամբ,
- աղմուկի և թրթռման մակարդակի մշտադիտարկումներ՝ երեք ամիսը մեկ անգամ,
- հարակից տարածքներում կենսաբազմազանության մոնիթորինգ՝ 3 ամիսը մեկ անգամ հաճախականությամբ,
- Երևանի ավագանու որոշման համաձայն՝ շինարարական հրապարակում կտեղադրվեն փոշու առցանց չափող սարքեր:

Բնապահպանական միջոցառումների համար նախատեսվում է ամբողջ շինարարության ընթացքում հատկացնել 2650000 ՀՀ դրամ:

Պատճառաբանական մաս. Օրենսդրությամբ սահմանված կարգով՝ փորձաքննական գործընթացում Երևան քաղաքի Կենտրոն վարչական շրջանի ղեկավարի նստավայրում անցկացված հանրային լսման ընթացքում նախատեսվող գործունեության իրականացումը տեղական ինքնակառավարման մարմնի և հանրային լսման մասնակիցների կողմից արժանացել է հավանության: Միաժամանակ հանրային լսման ժամանակ Կենտրոն վարչական շրջանի ղեկավարի աշխատակազմի կողմից նախաձեռնողին առաջարկվել է ապահովել նորմավորված ավտոկայանատեղերի քանակը և հրշեջ մեքենաների լիարժեք մոտեցումը շենքին:

Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության, ներքին գործերի, կրթության, գիտության, մշակույթի և սպորտի նախարարությունները, քաղաքաշինության, կադաստրի կոմիտեները, ինչպես նաև Երևանի քաղաքապետարանը:

Կրթության, գիտության, մշակույթի և սպորտի նախարարության, քաղաքաշինության, կոմիտեի և Երևանի քաղաքապետարանի կողմից ներկայացվել են դրական կարծիքներ:

Ստացված դիտողությունները և առաջարկությունները հաշվի են առնվել հաշվետվության լրամշակված տարբերակում:

Ամփոփելով հաշվետվության բնապահպանական և սոցիալական ազդեցությունների վերլուծությունները՝ կարելի է եզրահանգել, որ շրջակա միջավայրի վրա հնարավոր բացասական ազդեցությունները, որոնք կառաջանան նախատեսվող գործունեության



աշխատանքների իրականացման արդյունքում, կկրեն ժամանակավոր և տեղայնացված բնույթ և կլինեն թույլատրելի նորմերի սահմաններում: Դրանք կարող են բացառվել կամ մեղմվել գործունեության ընթացքում բնապահպանական միջոցառումների արդյունավետ իրականացմամբ:

Փորձաքննական պահանջներ

1. Ամրակապման, վերականգնման, փոփոխման և կցակառույցի աշխատանքների իրականացման ընթացքում խստագույնս հետևել ՇՄԱԳ հաշվետվությունում ամրագրված բնապահպանական պահանջների և միջոցառումների իրականացմանը՝ ըստ հաշվետվությունում ներկայացված բնապահպանական կառավարման պլանի, իսկ դրանց չբավարարման դեպքում ներառել լրացուցիչ միջոցառումներ՝ ապահովելու նպատակով բնապահպանական նորմերը:
2. Նախատեսվող գործունեության իրականացման ընթացքում, ՀՀ օրենսդրությամբ սահմանված կարգով, պահպանել արտակարգ իրավիճակների և աշխատանքի անվտանգության կանոններն ու նորմերը:
3. Ամրակապման, վերականգնման, փոփոխման և կցակառույցի աշխատանքների ընթացքում առաջացող թափոնների կուտակումն ու տեղափոխումն իրականացնել ՀՀ օրենսդրությամբ սահմանված կարգով՝ Երևանի քաղաքապետարանի հետ համաձայնեցված:
4. Շինհրապարակից դուրս եկող մեքենաների անվադողերը լվանալ, իսկ առաջացած հոսքաջրերը հեռացնել՝ միացնելով ջրահեռացման համակարգին:
5. Ամրակապման, վերականգնման, փոփոխման և կցակառույցի աշխատանքների ժամանակ, ՀՀ օրենսդրությամբ սահմանված կարգով, պահպանել արտանետվող փոշու և առաջացող աղմուկի ու թրթռումների թույլատրելի մակարդակը:
6. Պարսպապատել շինարարական հրապարակները, իսկ ամրակապման, վերականգնման, փոփոխման և կցակառույցի շենքերն ու շինությունները ծածկել շինարարությանը համապատասխան բարձրության անթափանց թաղանթով:

ԵԶՐԱՓԱԿԻՉ ՄԱՍ

«Մեդ Հաուզ» ՓԲԸ-ի կողմից ներկայացված Երևան քաղաքի Կենտրոն վարչական շրջանի Արամի փողոց 54, 54/1, 54/3 հասցեներում գտնվող հուշարձան շենքի ամրակապման, վերականգնման, փոփոխման և կցակառույցի իրականացման նախագծի շրջակա միջավայրի վրա ազդեցության գնահատման հաշվետվությանը տրվում է պետական փորձաքննական դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի պարտականությունները կատարող՝



Շերիքնազ Մկրտչյան

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխավոր մասնագետ՝ Ի. Մկրտչյան